

Yungzsuij: Fwen Eu Cingsaenz “Song Hoih” Daengx Guek

融水：山歌传唱全国“两会”精神

Mboengqneix, song boux canghfwen haeuj Minzcuz Cunghyoz Liujcouh Si Yungzsuij Myauzcuz Swciyen, son gyoengq lwghag eu fwen cihsiz、cingsaenz “song hoih” daengx guek. Neix mboujdan fatyengz caeuq ciepcienz le vwnzva minzcuz, caemhcai q dazyinx lwghag daj iq couh dawz saeh hung guekgya haeuj sim, gag rox gyaezmaij guekcoj.

(Vangz Cwngz/黄诚)

► Canghfwen ndeu son lwghag eu fwen cingsaenz “song hoih”.



▲ Doxdax ciengj vabauq, mwngz ciengj gou laengz.

Gyanghcouh Gih Guh Ciet-
vabauq Cojcouh Ginhsanh

江州区举办左州金山花炮节

3 nyied 10 hauh, Cungzcoj Si Gyanghcouh Gih guh hozdung Cietvabauq Cojcouh Ginhsanh. Vunzlai gak mbanj gak minzcuz ciengj vabauq、bau aendom、doxdax haizgieg、biujyienj cezmuz feihyiz daengj hozdung vwnzva minzsug. Neix doidoengh gak minzcuz doxgyau dox baedauq doxyungz, hawj ndwenngoenz vunzlai bienq ndaej engq fungfouq.

(Luz Vwnzfeih/卢文斐)



Bouxcoz Daibyauij Gak Cuz Gak
Gyaiq Gvangjsih Yivu Ndaem Faex

广西各族各界青年代表开展义务植树活动

(Bonjbauq Siusik gicej Vangz Yinz/黄云) 3 nyied 11 hauh, doengh bouxcoz daibyauij gak cuz gak gyaiq Gvangjsih youq Suenndaemfaex Nanzningz Si yivu ndaem faex. Bouxdaibyauij bouxcoz gak cuz gak gyaiq、sausen h duiyenz gih raeuz

gungh roek bak lai vunz ndaem le sam bak lai go faex. Neix dazyinx nyezrauh daengx gih geiq maenh aeu hwngfat saekheu, cienzboq swnghdai vwnzva、hwnqguh ranz-mbanj saekheu、coicaenh henhoh seiqhenz.



Gyoengq bouxcoz doxcaez ndaem faex.



“Haijva Gim” Dwngz Yen Yinx Hek Daeuj

藤县“黄金花海”引客来

Mboengqneix, saek bak moux vangzvah funghlingz laeng Dwngz Yen Hozbingz Cin Mbanjduboh Liuzcunh Cuj hai ndaej henjrwrwk, yinx le haujlai hekyouz daeuj guhcaemz. Dwngz Yen guh swnghdai saekheu, dajcauh ginghei haijva, byaij ok diuz roen nungzyez lijyouz doxyungz hwngfat、lajmbanj saenqhwnq moq ndeu.

(Vangz Swnglinz/黄胜林)

◀ Baenz ndoi va hai henjrwrwk.